

知
足
齋
詩
集

知足齋詩集卷第十二

丙辰

大興 朱珪 石君

太上皇帝歸政

皇帝登極大禮慶成恭紀四言詩一百韻

謹序

欽惟

太上皇帝陛下

德崇功峻

福備釐蕃

天篤

一人慶超萬古六十一載之

智臨八十六齡之

仁壽未嘗倦勤不渝夙禱以爲初誠已達於

天

祖嘉會難覲乎

躬親先以乾隆乙卯九月辛亥冊

冊立

嘉親王爲皇太子

詔以明年爲嘉慶元年正月元日乃

傳位於

嗣皇帝

奕光

舜華

聖作

明述天地訢泰日月重離六合鏡燭萬物熙皞邁古烈
今際于一時臣竊稽古唐虞夏之禪讓雖天下爲公乎
然聖聖未萃于一家厥後內禪之舉若唐之高祖睿宗
宋之高宗孝宗或迫於事勢或悟於宴安岌岌匆匆槩
不足道蓋曠典若斯之難也惟我

太上皇帝久道無疆

嗣皇帝親承燕翼

大德

大孝彌綸合宙其在易離之象傳曰明兩作大人以繼
明照於四方未足以喻斯景曜也其惟純乾合撰九五
之大人與九二之大人聲叶氣孚樞機符節孔子贊之
曰夫大人者與天地合其德與日月合其明與四時合
其序先天而天弗違後天而奉天時至矣盛矣

天哉

皇哉自生民以來未有

天佑民悅若斯之信順者也

臣

宿畱粵疆不獲躬抃舞

于階廉之下目覩

盛典竊不自揆作詩一篇以抒其歡躍聳跂之誠謹拜
手稽首以獻其詩曰

天篤

乾隆丙辰龍首

三祖

兩宗付畀噫盍二十五齡告

天升標祝幹支周傳重於後乃

臨萬方乾綱坤紐曰誠爲根貫億緒

大德四得

大功十取貞符交合五中十偶福備範疇策申章蔭

簡在元良覽揆初顙養正育德當璧壓鈕格于

天

祖書名金節六十年秋歲在乙卯叶九月吉臚

御門宣剖

冊建東宮

嘉親王某嘉慶改元初哉終受百官跼聆
皇儲色歛陳詞孺慕中外稽叩請待期頤

太上曰否顙

穹而孚天位曷徂布告天下朔南暘柳柔兆執徐孟陬
指斗重光重輪合璧姬口

太上御殿金聲玉扣

皇帝拜升親佩璽綬庭殿歡臚鞞轡踰風

帝躬三朝敬聽

天牖

太上曰咨汝作元后爲

天子孫爲民父母信

天主人俾我單厚

四郊躬親捧盈奠盥曰雨曰暘黍稷薿薿爲民祈禳呼

吸啞啾我

祖開基長白之阜

寶冊

實錄羹見牆走禰嘗大裕饋食盥盥無念爾

祖克擔克負予臨兆民六索御朽五免正供三復漕餉
蠲逋京坻振荒哺敦四巡斂耕四推藉耦宵旰其勤扶
苗去莠

天工人代股肱左右庶獄庶慎虎賁馬趣八枋在握周
諏徹黠

天命

天討何好何醜予豈好文三倉二酉經爲治本史鑒前
轍游藝百家賢于覆瓿四庫搜羅七閣棋枰石經石鼓

摩娑岫嶺幾餘五集充棟壓鞞載道紀實非夸富有予
豈好武從其肩牡詰戎講事師桓士赴歲獮木蘭射虎
哨礮四十九蕃馬牛扞擷其有不順出師征捽伊犁犁
庭金川馘醜探河真源拔達回部廓喀歸降金瓶定鬪
鯤身鯢封驃緬關敏安南降王躬奉箕帚域內宥姦草
薙伏莽三危殺竄貳負桎杻匪事佳兵蕩滌痕痞惟
天佑順百里半九議功紹封膏澤枯瘼惇敘本支惟孝
則友五福五代來鼎飴嘍此其大端餘不覩謏禮樂明
備可法可守龔軒歸政耳提面誘若勤垣墉惟塗丹黝
若作稽田惟終朕畝曷其勿敬器重德輶

皇帝敬承執中拱手

家法

心傳後樂先恊天揖時揖兄弟諸舅羣工羣黎無逸無咎乃開嘉會重宴千叟

御皇極殿

皇帝進酒元老鮐鰓國耆鄉耆麟騶蹈舞角亢蚺鰐天下大舖衢尊醉听惟

太上聖欽明淵朏與

天合契至誠悠久惟

太上神時幾洞葐先知先覺不待察糾惟

叶

者天當午

姚璣旋丑惟

太上武發縱使嗾四極砥屬罔崑澤渤惟

皇帝孝視膳餽滸無聲聽虛無言喻歔惟儉惟勤克剛

臣歌

盛德虎拜主

堯舜性成乾坤情儔億兆萬年與

大同壽

山茶

山茶朱白兩精神
豔浴凝脂映絳脣
丹鑿落看搖火日
玉盤盂合供天人
不知姚魏誰傾國
只有羅浮更絕塵
尊酒對花無限意
春風應與借韶新

韓城相公遠惠鹿尾作此寄謝

麋鹿爲麋尾最腴
堂殮分得自天廚
八珍均宰榮遙逮
萬里承筐味不渝
鼎軸調元資善養
神仙緣督妙兼需
鹿尾能通督脈
獨慙此腹便蔬筍
屬饜難期山澤臞
近來不能多食
厚味豈進于道乎
蓋老態增耳呵呵

雨後 二十三日

四郊好雨足
酣濡夜戶晨
征肅鼓枹時捕盜嚴
政靜稀聞鈴

索警案清不礙笈籤鋪花開滿苑禽吭呀酒熟傾尊菜
味腴老我浮雲無住著碧天縹緲望瓊都

寄武緣劉同年編修定道

不見高人四十年開緘應共說霜顛百城坐擁龍威祕
九牧周爰馬力騫畏我友朋心尚素羨君金石壽方堅
相望倘有行槎便樽酒還期證夙緣

雨渥

雨渥花光欲笑嬌朱朱白白似爭妍金釧賜浴溫泉罷
羅襪淩波洛浦前裊露畱風宜晚照凝脂點絳正華年
四松也復增蒼翠老幹橫枝自放顛

卽景三絕句

春光今日好高樹木棉紅翠竹千竿映猗那轉惠風
小池乘酒濬已報暗泉來會待甘霖漲青蓮百朶開
晚晴應可愛況是上春天已近昆明節魚珠夜照圓

和棊

百八分枰一子公神仙指點妙和同從今罷戰休軒輊
鉛汞平勻獨抱中

示粵秀粵華書院諸生

我來羊城已再春諸生講勸猶斷斷五經勿緩度高閣
六行所亟敦天倫英才豈肯限地氣曲江瓊山皆絕塵

潮陽一謫偶提倡區區無名斑彩明珠翡翠何足道
子有至寶求諸身浮雲過眼後榮利美玉自愛先安貧
枕藉書史腹自富強勉仁義氣獨伸雞鳴孳孳起爲善
月計歲省夫鑒真我年六六閱逝水非敢誑汝言諄諄
他時別去或憶此如食桂欖知甘辛

種藕

方塘周四角冬涸餘礫砂小舟乾欲裂危亭欹復斜春
雨正頻渥蔓草滋蟲蛇我時來東園覩此生咄嗟豈繫
戀桑宿暫未及代瓜去館如始至蕪塞心自瑕扶傾用
直木濬淺去積葺中央泉觶沸涵泳星月霞四圍土肥

沃藕密深根芽茵苞緬夏豔句計看鋪蘊游條行可樂
鼓吹不厭蛙奚作人我見生意聊自嘉非爲愛蓮說香
動桂窠窠因仍詎改作助我吟清華

頒賞嘆咭喇

嘆咭喇國西洋西前年遣使嗎咭呢感恩復此獻方物
大呢新樣唱嘒嘒祝

大皇帝萬萬壽表曰囉哈嘑嘑嘑疆臣驛聞得
報可頒來

勅諭蟠龍螭嘉爾遠服著恭順蟒錦紗縐倍賚之丙辰
改元曰嘉慶

上皇傳位萬國釐

重光重輪照天宇大海同仰金玻璃傳宣嘖嘖跽捧舞
脫帽頂禮言侏僂我稽其國紅毛種客因隔島東黃祁
深眸高準緊結束巧測星宿天璇規

聖朝所寶非遠物德格穹昊仁蒼黎荷蘭暹羅接踵至
梯航駕馭長羈縻金錢懋遷關市輳粵商交利煩分支
本固末振四裔守明堂辰拱無疆期

寄和孫補山相公秀山軍營作原韻四首

無端螳臂向車橫充國登壇爲練兵天馬方聞來太乙
廓爾喀軍星蛇忽見布長庚兩階早晚三苗格八陣分
功方竣

明諸葛營轉漕給軍功第一山田濛雨起屯耕

天綱三面出師同狡窟梟巢自戢訖射虎鋒芒宜貫石

叛酋石三保石柳鄧麗龜角倚用諸戎以苗攻苗事半功倍晴空不信樓成

市烈澤須教蕤卷風計日紅旗飛紫電

重光喜氣正敷東

楚氛解駁尚縈霄蜀野周防謹望譙

廟算得多先折首鬼方架阻敢藏妖畱連赤舄遲春酒

公奉宴以期迫在重未行詔赴千雙歸及朱櫻近夏苗斟雉鼎頤方嬰

鑠飛鴻信宿聽風謠

六春小別感華顛九坂疲驅漫自憐老我寒酸才有盡

度人疾苦法無邊閣麟早入功宗記集鳳來歌

德讓年江漢揚休編大雅遙看井絡縵卿煙

次王香谷偶成二十韻

楚市熊宜僚弄丸空中轉龍伯釣六鼇山縮海可卷一
夫精神到萬象窮巧善根蟠出地深豔吐章天展歸虛
看迴潮濫觴初導汚百斛扛龍文健者無呀喘詩文雖
小技有志子何覲子兮江南秀經簾傳鑰鍵研摩聚光
螢篆刻雕蟲蜚海月徑寸珠鳳車五色繭苟能蓄寶多
豈謂知音渺問途及農馬師古在籍典集義觀大方析
言勿小辯唐賢旣卓犖漢上尤溯緬欲求崑崙源肯棹

尺寸淺火騰眉端揚茹拔頷底撚發聲間笙鏞分器陳
磬獻雲連夢亦吞冠袞帶詎徧夸非鑿空嚮誕豈談天
衍華摘庶芬鋪實勝先躬踐

白雲山用東坡贈蒲澗長老韻

白雲山麓問梅花孤絕林逋處士家高閣已聞龍獻鉢
陽坡應有杞包瓜珠江遙帶穿霄塔霧雨斜飛漏日鴉
佶屈羊腸煩跋涉何當清嘯御風車

送兵疊補山相公前韻四首

鶉星首尾尚煙橫矜峽東西又點兵千舞七旬遲洗甲
羽書三日急先庚山排鬱律熊羆氣潮湧連翩鷺鶴營

折柳依依歸莫懶枝頭黃鳥正催耕

軍書午報夕郵同岐首蛇分內必証自是鄭瞞應絕種
不須魏絳更和戎銜鱸齒齒船推瀨大旆蕭蕭令肅風
僕射父兄棠蔭舊好音火速轉巴東

歲陽西北指氛霄鼓角聲雄鶴唳譙十路從天師有律
三危埽地穴無妖梟鳴牙帳先占勝稻熟原田好刈苗
烜赫唐兵如日月黃曇石破入童謠

焚如三葉不畱顛饕餮分支詎足憐尋約指揮爭敵愾
尺書踊躍去防邊雞鳴起舞忘朝食燕領遄歸正壯年
待爾吹鐃歌杖杜

國恩珍重上凌煙

木棉花次王香谷行敬韻

融離洩木華吐豔如觀火鵬腔赤絡珊牛寶黃折娜睽
婆矗高林天女撒葩彈標傘張宵窳崑樹火鬼栽地產
蕃廣交春光照潭沲燕穹燭千枝散綺霞萬朶擲鈴絳
幢旒排闥金蕤鎖駢卵誤輶謁醉眼迷猩果甕垂鳳車
蟹丹戲鳥爪罍爍冶挂編鐘煬燄吹筒埵流屋烏徵祥
倒景魚逃甌雨洗鞋韉鮮風舞瓊簪墮襪開辛夷然翠
映修竹可謔出乍驚人明粧欲媵我太甲華蓋高女丁
雜佩儼解絮隨颺圓落英紛熒播山茶憐色尤黃襖適

用頗新軍樂續挾舊相愁菴夥鏗奇學孟韓肅弄賦駁
婆子才蘄滿跣及雨泥深蹀

寄壽顧涑園先生八秩

我初從 師游總角猶未冠 師時方立年商歌宵遠

旦言志期食貧異書嗜弗貫遠取先近宗明儒有學案

姚江提良知大滌洞觀象侯芭問字奇紹述戒剽竄悠

悠白華思歸鞅不可絆壬申計偕來梁園假館粲秋雨

擢黃英金臺選崇幹脫穎牛刀中知音賞矸爛棟發直隸知縣

以詩筆爲方制府所賞鮒鰕緬高陽初尹清豐孤竹感廉懦調繁盧龍儒術

吏才優益津畿輔扞擢知霸州一麾出黔西寬猛調彝漢遷郎

岱同知

簡良守羊城不擾市與犴

特擢廣州府知府

凝香靜館簫珠江

清泮渙飄然興蓴鱸不比道州漫常羊湖山遊領袖風
雅伴憶我再使閩樽酒話燕衍丙冬視浙學三載親講
幔紫陽擁臯比諸郎偕樂頻卻騶到後堂高論接听肝
酉秋別函丈丁寧拜手翰詩鈔寄皖江游夏勉序贊竭
來甘棠地翹望茱萸泮

龍飛日重光仙節月幾半

先生誕爲四月十日與呂祖同

歸巖觀靈

光八秋初開算西湖水方灑南極星正燦元谷道無爲
黃庭訣非謾會當追洪崖從登耆婆岸

耕藉喜雨

春秧綠滿畦春垞耕待澤宵霖鳴達晝流潦駛漈漈元
年吉亥辰

龍裘事

帝藉岳牧肅祀同嶺海職疆場時若協心祈黛耜履阡
陌敢辭繡衣濡歌舞看襍穢爾牛跋深泥布穀催嘖嘖
高原瀦山泉下隰通潮汐芄芃麥旣收穎穎稻如簣歸
來觀我池荷蕙出水碧消夏千柄葩早秋萬畝碩仰荷
皇穹慈劬勉求民莫

詩冊蒙

恩旨獎賚恭紀二首

當午

堯天日再中元辰嘉慶紹乾隆史臣敬繪

重離麗

聖主恩褒百韻工頌體兼規韶徵角衮衣加

賜佩丁東管錐何用摹

高厚際盛由來喜起同

徽斯文學技雕蟲坐井觀

天咫尺通

優齊八番疆吏獨

璽

自壬子至今以文字蒙特賞者八次真異數也

駢羅百

有德符充

皇言敷錫絲綸綍

臣

職宜揚雅頌風佩藥身章銘夙夜

億齡

雙照璧光融

寄柬蒼梧高明府

丹山曾憶舊同巢
蒼水今來訪舜韶
五道戈船齊上瀨
七旬干羽佇平苗
聞歌不敢前言戲
握手還期後會要
老我書生眞面在
曹溪一滴是瓶瓢

自德慶州至封川

兩岸開堂隍三江中疏瀹
繚長上翠微舵穩凌白鑿
淥

水既灣環錦石復繡褱前行鸛鵬遠後勁魚麗躍埃明
聆礮鉦宵朗照檠燭勇氣吞楚氛嚴令簡粵縛儒生慙
緩帶壯歌厲尋約詰朝泊蒼梧西封載咨度

寄湖南范叔度學使

衡雲右望接蒼梧槎使文光射鳥帑一紙手書頻鄭重
七年情話久縈紆祇今戒律心逾細憶昔論兵膽尚麤
君從征臺問訊飛鴻消息捷懸河早晚近巴巫

雨後新晴草木皆有光澤喜而有作東閱卷諸君
十日雨足珠江平商羊飛舞龍涎腥夜聽銀河注瓦溜
曉看紅日懸金鉦園林姪姘出新浴榴丹梔白搖光晶

滿塘青蘂應山水消夏千朶蓮開粲粲粵秀粵華方校藝
栗畱吉了鳴嚶嚶披沙揀金須妙眼爨桐焦尾求和聲
我來三年訪粵產葉鈞射隼標高名黎簡桐竹擢穎穎
呂堅寶劍詩錚錚內心照取黎光弼刮目喜得李士楨
晃如晴烏爍空界變化萬彙抽菁英稻成再熟薦種稔
丸拋赤白安耆嬰政閒庶可作文飲與子細辨魚龍鱗
次王香谷病足韻

南方病軟脚地氣蒸溽熱王郎賦鸚鵡籠翠苦縈絀問
我換骨丹神方鍼絜穴何以起支離若飲湯救咽我言
無他奇下閉慎妄洩息氣當到踵左股夷則蹙元關不

自牢蟻漏奚待抉穴處感陰雨尚能封其垤而人智不
如千鈞一縷絕氣海中不盈尾閭日以決浸淫咸其腓
黼黻賊風掣我非扁與倉醫臂曾九折畏途經巉巖談
虎驚欲跌北方有正氣龜蛇森位設艮止震乃行此是
頤養訣淵珠或乾源火輪必銷鐵欲求三年艾且耕寸
田徹請讀德充符仁義殊跂躄

跋宋高宗賜岳少保手詔

天光破照南北分奇忠篤孝誰家軍紹興六年夏五月
詔起小保詞殷勤墨續視事古所有恢復素志天知聞
練兵襄陽幹國蠱諸將待汝鳴鐃鼓是時魏公駐淮上

劉豫卻走唐州焚中原未取引還鄂廬山步歸廟略紆
都督貶永檜當國大事去矣忘燕雲金牌十二火掣電
詔獄三字星墜煩淮西御札盡剗滅獨此行草畱荒墳
安國春秋徒發憤六經刻石真空文汪君勒此足論古
使我三復傷忠勳雲章奎畫豈不寶筆書否泰心爲君
同宗手書否泰
一卦賜張魏公潮來胥種猶蓄怒襖幕義獻何足云
竹君五兄生辰設祭竝請冠山三兄冬泉四兄同

饗

珪也生居季三兄次肩隨具存樂無故同齋讀書詩分
甘餌餅栗偷閒戲弈碁 慈闈忽見棄慟哭驚經衣伯

仲皆異室叔兄同牀幃夜誦或侵曉奇書嗜鈔披三秋
禪徙月聯袂游泮池伯兄仕豫章仲兄尹東齊甲戌叔
選館同車上瀛陂宦游復歸養聚蔭高槐枝庚辰我適
閩揮淚聽歌驪五年遭大故窮冬星奔馳到家一號絕
手足逾依依對榻伴仲宿伯叔昕夕追上冢游西山出
郊採將離暇豫課子姪堦庭羅芳蕤流光何易逝江漢
去分岐踰年度太行辛卯覲彤墀恩恩一句內急調吹
壘簾視學叔使皖相望南朔西仲也何示疾四照華獨
萎及我還舊巢鄂不連閭楣己亥使閩旋逢叔星槎遲
兄滿我更代韓華對尊卮榕城半月聚泣別三山坻豈

知作永訣汀館爲兄衰靈光惟伯在叟寡杖不持庚戌
我外授送我涕屢揮六年不得見我病疑先幾俄然兄
訃至疾痛如據藜完山八翼散孤鴻形影畸翔翔海宇
闊何日盤渚棲竊聞化人旨去來各有基義義五臺蓮
供養文殊師巍巍青鸞所校錄瓊瑤詞戴匡多祕籍從
容玉局司根因返其真不逐輪劫移今辰叔初度園林
陳盤囷侑以甘瓜香鮮緋薦荔支仰邀驂來臨鑒我誠
在茲兄視我了了我盼空襤褸伯兮哂我老鰥鰥何苦
爲仲兮憐我勤雞鳴尚孳孳叔兮嗤我俗宦海波浩瀾
何不共援手佑我及岸歸何不入夢兆欸欸通愉悲何

不降靈壇覲縷書沙。乚跪獻三爵酒。飲醕適所宜。持誦
金經文。福德虛空知。三兄悲且笑。阿六何魔癡。汝今六
十六。姑以十載期。有生必有化。會面詎久睽。汝能勤修
成破殼。從天飛次亦。神不昧。挈汝謁嚴慈。何用苦煎急。
朝露與夕暉。曷哉各努力。天上長怡怡。

以鮮荔枝贈李生士楨屬用昌黎游青龍寺韻作
七古一首詩來遂次答之

炎州風物誰領管。盧橘差長龍眼短。荔枝品冠舉似生
色香雙絕神漿滿。雲茶嫋嫋不掉頭。一樹珊瑚傾寶傘。
三薰獨辨睡驪珠。九苞欲迸長離卵。衆娥謠詠目未成。

百鳥啁啾聲詎斷我如夸父五色迷望青梅蠲渴旱

生有青梅詩鈔筠籠不隔水晶盤瓜華映徹紅螺盃中邊崖蜜

味應知同嗜江瑤喻豈誕金甌玉食貴來希江綠方紅

窮譜纂虎耽守杏亦太慳鹿埕來禽何足算分柑自是

廟筵珍論松且與雲山伴三田膏露已清肥九轉華池

頻漱澣天腴國豔我非諛掣電傾城君勿懶加羞籩笥

玉女瑤侑歌鸞鳳靈仙散吟豪白鶴欲追尋生有白鶴

公長韻險青龍如步坦飽食三年攀桂淹採風五嶺攀

芳罕與俗酸鹹好豈殊譬諸臭味心同款連茹不厭碧

芹微生方應作霖且待黃梅煖沃土培根出地深薦馨

童子試

特達通天窾期生嘉實壓包茅致遠良材匪紆緩

韓城相公寄和鹿尾詩韻抒懷奉答

尺素關情問瘳腴祇慙尸祝責庖廚心如井水瀾知止
鬢比霜華色早渝山海高深愁跋履親交契闊感濡需
飛鴻萬里頻回首應羨歸林鶴鹿臞

嘉慶元年七月旬日內連奉

廷寄

恩旨命

珪

來京將授爲大學士恭紀四首

玉皇宥詔速郵傳

丹筆添揮鄭重宣

三奉

廷寄皆有
殊筆添注

綸閣暫虛遲月

下以大學士孫士毅遺缺金甌定卜汝珪賢生逢

堯舜同堂際榮與夔龍率舞先應愧十年書未讀黃裳
何以贊

乾乾

七年疆吏荷殊榮遙掌蘭臺又夏卿岳牧雙符紆久佩

東西兩粵界長城

前月方拜實授總督之

忽聞

內召眞如願頻

諭台升漫自驚

恩諭朱珪聞來京之旨不必疑慮

在遠微斯

恩獨渥寸心中夜起屏營

曾聞乘負忝高官鼎餗如何免素餐每夜焚香勤自省

平生妄語戒尤難蒼黎甘苦須教儉元氣調和或在寬
宵肝孜孜

天正健從星惟月敢懷安

蘭成射策始加緇早以文章結

主知九度凌雲蕃

晉錫

珪以獻冊受特賚者九次

廿年抱

日直

經帷

丙申年入直上書房

非關左右圭璋達獨被

光輪煦嫗私珍重十朋來自外祇陳損益彖爻辭

題汪稼門方伯誦先圖三首

康樂述謝德孟堅敘班功遠圖太元始絕學金華中注

氏別魯社龍驤奮江東真人起晉水越國來朝宗蟬冕
世美濟文武標昌雄流傳貌遺像照映英詰同猗歟明
德後畢然孝慕衷穎川導天稷支匯大皖桐

遺逸行旣高苦節後必報釣叟子克家有才命可悼艱
哉潘夫人撫孤髮未燥手持金七刀中夜辟羣盜辛劬
卅六年旌淑闡貞操貽孫今旣昌丹鳳輝

綸誥清于白玉環薦以蘋蘩芼我欲揭幽光徽音神所
勞

臣廉保先德求忠必孝門懸哉賢方伯醒耳清名喧秋
水紆覲面春風度蘭言勤民非嘽悵善世先本根銘勳

視戈鼎歆水思淵源不聞八州督封魚飭盤殮又聞六一考治書濡涕痕嗣善方不匱印流在黎元

漳浦蔡葛山師相九十大慶公嘗著金經三不可得辨師其意作詩三首寄祝

梁山峻龍戴漳海連祝融公生有自來仙骨根閩風繩武得祖祕爪背督早通從父比元定閩學傳正宗射策龍飛元拾級台斗崇閣侃言行顧篤棐何劬劬承華侍夙夜育德自養蒙番番一个老

帝曰兄事同引年

賜几杖高軒度霞楓公時開八秩霖雨收神功黃閣一

回首白雲卷晴空

魏國坐畫錦潞公重杖朝領袖祝

軒皞拜舞先夔陶三接晉蕃馬萬里安輿轎

丹詔屢存問賡歌喈鳳簫敷陳上訐謨海窟驅鱷蛟綢
繆關至計文靖非譏譏黃髮詢罔愆赤心純不澆周官
鄉老公飲射先賓僚葛藟芘本大山景視不佻行年開
九十懿雅方肆宵卽境觀所在仰首天一寥

彭鏗斟雉鼎白石樂人間青精眞可問上界苦不閒八
百憐子孫日月往復還熙熙後來境流水方潺湲憶我
從公游內景求元關所然相印可仁樂在艮山我欲先

璧馬象外超中環是三不可得深偈聞者潛公心亟世
度善辨衛道閑我思進一解絛脫雀已翺鯢鵬搏羊角
豈顧雉子斑三觀中不執無量誰能攀

喻母鄭孺人爲母及夫再剖臂詩以紀之

喻教諭
照之母

父兮宦海外母兮病萱萎弱女夜呼天天高潮聲悲瓊
山無仙藥膏肓不可治顧憐玉臂寒引刀血淋漓和藥
跪進母霍然神扶持咄哉窈窕子誠勇惟天知祕之不
肯說異事喧鄰比

瓊尉有孝女瓊令敬且歎爲子求佳婦莫如此季蘭結
綺雙玉映玉樹搖闌珊堂上髮幡幡閨中霧覆覆哀禱

無量慈捨身非所難含忍舊肉痛再試深其癰一割見
聞慄重割人天酸應心菩提速更生瓜瓞蟠我詩揚幽
淑至行垂不刊

題黎生簡詩稿

黎生詩筆健蒼頭張異軍獨於韓孟外矯變龍與雲三
年訪粵材默抽桐中薪何不學大雅不肖植麒麟呂堅
亦勅者劍光隱延津我歸不及薦愧爾臥海濱

落齒

齒落應知不再生黃金何日問丹成四車蕩蕩空餘輔
一飯斷斷欲絮羹噬嗑當年誇健決朶頤此後怯櫻寧

底須更慕柔爲舌看吐蓮花十丈莖

重陽日游白雲寺二首

秋風及晨涼出郭陟山足同遊得大雅

蘭巖學使

從僚少不

俗

從游者郎番周珍唐新會鍾堯花縣茂德荆開平壇喻廣文照五人而已

穠稔濃蘂苞高

下映豐縉三年祈多賴天幸從民欲興肩躡已高攀

更迴曲俯覽珠江東委蛇牽帶袈及顛凌翠微白雲如

白鵠九龍冽而溫花雨散金粟絕閣禮菩提瀛海近可

束枝蟠小青龍蜿蜒靈不毒

寺中所見云是靈物去來不可蹤跡

功德本

虛空何況榮與辱翩然歸去來蒲澗懷玉局

下山凜深淵層巒怯迴顧何當吹帽狂一唱題糕句迤

遷近北城謁我老姑墓

王氏先姑母

荒草無遺昆賴有孫壻

喻卽廣文

三秋此一奠含酸舍之去童齒憶慈顏分手萬

里路我今已桑榆萍散那再遇西方有眞言默誦儼可

度親親況本支哽咽茱萸賦

是月十三日冠山兄期服闋矣

道逢踏車

人溝脰又望注微雨灑我軒願言更布護徘徊五日情

去攀庾嶺樹

重九夜喜雨柬同游諸君子

天公眞是如人意昨日微陰夜滂沛滔滔達旦鳴簷飭

浩浩飛泉漲溝遂高懸龍骨

水車名

農舞蓑橫被羊城珠

飽穗日雨而雨信有徵不見青蚪出遊戲五日甘棠澤

尚畱三田玉醴酣如醉今年時若勝去年居士不用長
齋蠲和羹聊進菊花酒起舞欲向花枝顛作詩火急酬
羣雅宗伯風標最瀟灑五賢簪盍豈尋常謂郎番禹珍
花縣茂德荆開
平塏喻廣文照記爾同人叶于野我行度嶺朝
玉京今雨猶憐舊雨情他年樽酒重相會不減龍山傾
蓋迎

題王文誥感陳集

健筆龍文舉芳膏鳳髓煎有心追正始無意夢其年詩
法河干雅游蹤海月偏何時旋桂棹三奏鹿鳴絃

接奉

恩旨仍補安徽巡撫感而自訟

望洋無術久貽譏特荷

矜全掌舊圻此去嶺梅方馥馥重逢皖樹更依依塞翁
失馬眞爲福晉盜逃秦責有歸悔不十年書早讀迴翔
何敢望 綸扉

將之皖江畱別諸同官二首

三年嶺海雲信宿羊城雨平生仗忠信涉川輕險阻求
民吾何能弭盜眞不武三遷忝殊榮三省寬褫襜覩然
微罪行猶綰皖江組同僚感離合樂飲酬嘉醕人生如
浮萍聚散隨所與此邦實殷軫言吮民雜處無擾獄與

市清靜治有序賢能讓而和本固外可禦耄及余何知
臨岐重語語

吾慕羅浮好渴來不暫游吾慙韓蘇賢謫宦名姓畱三
秋持使節詛詛誰恩讎飲泉恥貪水還珠愧廉州萼萼
朝復夜未敢視景偷

君恩山嶽重臣節桑榆收豈惟一手足同量善可鳩蒼
生滿海隅誰當鞠且謀敬告二三子

天鑒懸睫眸吾衰久矣夫吾行千里修何時共尊酒一
聽與人謳

嘉慶元年丙辰九月下浣僚屬以余將去餞于猗

園作此二首以示他山之誼

三年來嶺海守官戒下交今我旋江皖異封皆同寮豈
能畱愛樹園鳥聲咬咬臨歧一尊酒此意何可要欲別
重致辭願各慎所操三寶在慈儉三德宣勤勞天高惟
民聽影響誰遁逃我惟省夙夜履險仍逍遙仕宦五十
載曲荷

天容包農馬或有知贈處同芻蕘

人云宦如海我謂筏可求中孚信豚魚民隱當咨諏情
田積耕耨何德不報酬萬夫有詛說誰能免愆尤天神
布虛空瞰爾堂與幽勤思衆疾苦爲善真良謀我論甚

平平閭水知操舟甘辛旣自喻借箸試獻羞炎州雖繁
庶緯蕭珠可投願言懷清風努力升大猷

題汪容川明府注倉陽園廬圖

東坡無田不歸蜀靈運鑿山猶自豪豈如倉塢居士好
買山種樹移仙舫十年讀書眞得計千里宦游驚海市
夢醒不見舊園廬四面雲林抱丹翠君身本是瀛閩仙
九英小築飽看山如何捨去陟五嶺鉤餌鮫鱷風濤間
卽今官近二千石問君何日開三益愛山何必山中人
坡句一卷煙霞露胸鬲武陵太守桃源圖蒼髯虎搏絳守
居昌江澆嶺長在眼臥游已到猴灘湖

施食擬陰風吹火篇

霜風嘯木驕鵂鴞鬼母夜泣愁爽鳩鯨封閃屍蜚魄餒
金頂吐燄長於蚪西方白傘照白髑血海晶晶動魚目
一聲悲憫九幽聞提顱甘食來匍匐咄哉三戒生罔知
無身何有刀劍燖青燐渡水散復聚佛說歌利忘成虧
酒澆秦獄煩冤醉塔鈴不語風旛簪娑娑化去可憐蟲
游魂莫向屠羊肆

啟行日庶民送者盈路

夾衢香火送行旌珍重兒童父老情三載關心求疾苦
四時翹首望陰晴臨岐無意聽輿頌載酒何人獻壽觥

記取斯民原直道他年清夢繞羊城

同官飲餞于花埭

三年桂樹粵山留此去還如不繫舟
花埭盍簪芳爛漫嶺雲回首望夷猶
何須醇酒心相醉漫聽笙歌興自悠
夜雨燈前頻鄭重從星省月話綢繆

自哂

不問深交進裏言相逢何止話寒暄
斯人吾與誰恩怨庶姓同胞亦弟兄
烏尚有情能睨睨川如無意自潺潺
江山送我還迎我消息梅花共一樽

舟行

粵人送我五嶺北皖人迎我三水南
我身浮雲寄空曠誰將逝影求江潭
三年種樹未翦愛連宵好雨宜稼甘
舟行遲遲聽襖靄岸沙漠漠紆煙嵐
吏民猶見古直道祝我此去當迴轡
我謝邦人情豈忍力微

恩重才非堪蠻風蜚雨費調燮
海鯨島鯢難驅馘書生何有銅鑄柱
宦蹟或可山畱龕食猶戒肉鐘敢疊
飲能歆水泉非貪皖山江月吾肺腑
昔年餘澤猶津涵道旁父老喜露冕
燈前竹馬歌趁趕他時記我謁來處
桑下已宿浮屠三

峽行

鑿山開璣瓏束水漲迤演飛猱騰攀躋游蚪蝮蝻蛎天
光暫翕張地防此關鍵硎礪骨非常皴蹙態善變覽奇
目屢疲探勝足愁繭非無康樂嗜聊作壺公緬節當光
輪重巡稽耆姚典遡行北陸長何當東風轉

觀音巖

靈巖吐蓮舌摩尼嵌佛臍誰鑿英石竅構作蓮花枅是
宜無量法巨海收涔蹄我過碧落洞未步坡翁題而此
不留覽恐爲山靈詆北風立冬節尺岸難挽締牒子小
於葉穩坐如浮鷺延緣泊巖下拾級青雲梯重閣忽豁
間寶蓋垂懸黎瀆水俯可鑑魔蜎遯然犀遯哉般若力

捨筏崖已躋安心那可覓去去從曹溪

讀東坡集

坡翁六十六七月遂示疾我今涉孟冬已逾四百日

東坡

丙子十二月生珪辛亥正月生積有此數嗟翁本不死而我學長生一瞬八

州督浮雲何重輕詩文固恢雄磊落見肺腑皈心葛與
盧江月印萬古

彈子磯

挽舟上瀆水濯纓溯清溪誰持萬石弩落此彈子礮翠
壁矗千仞輪石神鑄判瓏玲出竅穴丹鼎鑿甌窰其顛
叢萬綠樵斧不敢梯延緣六十里日脚已向西飛鳶仰

蜂蝶戴景如丹鷄盤霄此巢窟卵育宜洞棲靈仙戲來
往抵鵲投簪筭何當風雨夜快覩垂虹霓

謁張文獻祠

曲江邁良會風度何春容文章旣特達獻納著靖共天
運有否泰十事違姚崇骨肉兆金珙羽翼乖雲龍當時
千秋鑑用意深彌縫如何秋風扇履霜迫大冬豺虎方
入室翠鳳難喈嚙出牧遠朝蹟高鳥迷煙烽噬臍悔失
鹿抉目傷葬蜂三復感遇篇耿耿心所鍾我來謁廟貌
風雨頽垣墉願言祛雀鼠倡議修葺誰與樹桂松三生證韶
石六六青芙蓉

九成臺

重華道已古九成臺尚名引領招鳴鳳萬籟疑簫聲瀧
水右縈帶滇江此合併坡翁有遺記甕石諧天成江山
自萬古流峙呈韶英臨風一酌酒動我高歌情及時修
棟宇業業神扶傾

臺上重閣就
圯方倡修之

度梅嶺謁張文獻公祠

鑿山開道記前人尚祀開元社稷臣鏡照千秋心共古
鴻飛萬里跡猶新三年滄海重回首七載丹楓此望
宸恰似雲霞南復北斯陀證取去來身

過南安東鄒曉屏閣學

時方鎖試
不得通問

九年不見面堆塵度嶺暄知吹律春我自曹溪參偈舊
君方庾麓校詞新煎茶不敢通清禁對酒何時話闊因
徑棹贛章還引領瓣香此地屬誰人

櫓聲

先顧我的先顧我的

櫓聲云云

搖櫓聲聲圓轉清析龍王濟

我龍王濟我

又云云

櫓聲啞啞往無不可鳥鳴木鳴樂出

諧聲宮商自然神聽和平塔鈴能語榆石能言是聲非
聞三籟皆天

吉安江行

夜過泰和縣不見三顧峯曉望廬陵山緬懷六一蹤江

流旣浩淼山色尤蔥蘢薊城筆峯律文水人昌丰信美
此都會英詰何雍容藟哉文信國一木當九冬

過吉安錢太守臻來謁詢係同年東陸少司寇之
子喜而有作

淵源舊德數卿公喜見蘭芽玉樹叢同歲幾人慙魯殿
相看五馬識桓驄貫城習水眞逢吉傾蓋華山又轉蓬
願吸西江印清白君家治獄有陰功

贈鄒西麓侍御

與君一別逾十年握手大笑皆華顛惠文早挂驄馬稅
豫章坐擁臯比穿談天有口雕龍手抗席鹿洞眞安便

我慙塵土久堆面蹇疲任重賴兩肩蜃虹蜚雨苦調御
無能驅鱷勞戈船

聖恩尚許持舊節不卽流就聊左遷故人慰我化城憩
舊巢宛在歸飛翮古來競說三不朽生旣無益死可憐
行年已過玉局老度嶺不比前賢躋夕陽朝露復何有
長江流水浮雲煙笥河著錄尚藏笥及時選粹須雕鐫
黃陳辦香應有託期君老眼同摩編

滕王閣

江山何浩曠今古共登臨樽酒聚冠蓋風雲助嘯吟刻
程將夙駕攬勝及分陰來往勞津渡憑欄一洗心

東林寺再次陽明先生韻

北望宮湖迷青草南望天池仙跡好前年惡此夏苦炎
今日重過人又老鶴軒馬坂古所哀名山暫許清襟開
蓮社天泉兩不昧山僧坐閱千人來石門雙闕一翹首
何日扶筇更載酒苦無勝具躡雲梯鍊骨難輕迫衰朽
飛仙有訣守黃庭赤水南流獨向汀洞天福地應不遠
山間松柏長青青

黃梅道中望山色

灕霍列南岳隔江對匡廬層嶂送遙青遇目欣豁舒黃
梅路倭遲犬牙錯楚區楚氛猶待掃鄰戒那敢疎豈獨

嶺海偏關心在萑苻節麾山澤國何以宏遠謨斯民有
良莠鞠謀欽保居張弛文武間庶用勤朝晡

入疆

早發亭前驛隨軒雨亦宜霏霏來麥潤活活響泉知我
愧非郇伯天應愛皖黎入疆諏度始膏澤勸耕犁

朝憩楓香館星槎往復來歡迎多舊雨好語到興臺爲
祝年增稔先教吏減催使君無一事心跡向人開

謁余忠宣祠登上達樓大觀亭作

長江混混東北流握衣更上上達樓大觀極目蕩天地
忠宣浩氣嚴冬秋我昔題名跡猶在我今重來閱嶺海

雲花點糝龍山巔雲影迷濛九華轡神仙縹緲最上乘
鶴鳴九野清霄譬眼前億兆聚螻蟻空外日月從升恒
虹旆風馬繽紛下消沴三微通八蜡虛舟咫尺接天池
隨槎來往參元化

閱兵游迎江寺

重來皖國秉錫藪組練亦足成一軍江流無聲牙纛肅
礮火映日轟礮礮方開圓合陳屢變射戟貫札能者厯
賞均勞苦士挾纊汗霑駟駿人無暇教先義信走晉盜
氣吞雲夢消楚氛及晡而畢訪塔寺小閣坐挹江山矚
齊飛萬鷺帶霞遠淨練一色連霄分閱人今昔跡未掃

寺有舊題聯

鑒水寬猛思其勤眼前空闊界無住手所謂御絲勿夢書生武庫又何有匡牀揮麈聞思聞

庚姪將至畱示二首

七年不見汝相見欲滂沱叔姪情如此壘篋感若何吾衰牙已豁爾壯氣須和他日斜川集還期繼潁坡

齋食修非易安心竟亦難要知三教合正在五倫寬次第除根結中空更假觀衣珠還汝掇透體識飢寒

過龍山

大龍蜿蜒鱗鬣麤中抱萬斛驪淵珠九冬不乾夏不溢膏澤六院秔稻稔大江東注環郭郭倒吸入腹昂其顙

灞霍天柱遠拱揖白麟豹嶺挾走趨興行山腰度龍腋
萬松助吼真笙竽遙看擊尾忽一掉樅陽噴欲長楓湖
過峽燈火照石路澄潭淨練光可摹行人夢覺天未曙
明月恰向浮山舒

十一月十九日爲冠山三兄葬期感而自訟

宿草已含霜牛眠此卜藏未能親執紼不敢聽歌匡壇
弓神往臺蓮淨風號宰樹涼鴿原遲一慟終老愧瞻岡

大關謁趙忠愍公祠公諱景初

直諫傳聞正德朝抱關浩氣尚冲霄桐鄉愛蔭畱枝葉
公有子柳廟靈威莫荔椒過客到今停駟馬飛神爲我
孫在桐

薤三苗重來再拜瞻懷棟願芑良禾化莠騎

過桐城喜晤姚姬傳員外道中作此奉柬

與君齊年六十六浮生已可傲玉局

東坡卒年六十六吾輩行將過之

君如高鶴避乘軒我比疲牛怯牽轂老耽六籍味轉腴
春過三眠絲欲熟易成久別驚七秋難得相逢笑一握

羨君瓠齒尚牢堅感我霜毛已驚禿笥河遺卷要編紬

簷事聯吟嗟拱木

張置亭少詹亦辛亥生于己丑年用東坡半字韻詩同有作張歸道山久

矣百年未死且懸疣三立誰成恥食粟恩恩停蓋那扞

棕噉噉調飢方待粥

時將赴鳳泗查放災賑

大關北去月滿梁小

閣冬暄書壓屋上春梅放佇花嬌清言蘭臭傾杯綠

有君

正月任
顧之意

廬州府

淮肥交注抱廬城此地當年宿重兵
水陸孫曹爭尺寸背吭濠壽接形聲
界樓滿寵雞鳴隘仙洞王喬鶴唳清
夙夜憑軒咨疾苦民依月省祝登成

卽事有感

官箴民俗亦堪嗟蘊利如何不蘖芽
少取一分與誦樂先看半著馬籌加
豐城怪底能干象使客相招又轉槎
湜湜江流清若此便便驅腹豈容除

定遠詠李百室

乘時豐沛起風雲兼任蕭曹第一勲鐵券先班同鑄錯
玉樓密詔異脩文書生有疏妖星退公主無援獄吏尊
久變滄桑迷嶽降早騎箕尾返空旻

五河

五水交流會偏陬負郭清興臺尋路暗燈火渡河明飢
溺誰司牧艱難更勸耕憑軒春又到勞苦慰疲氓

虞姬墓

漢園四面楚歌聲百戰重瞳氣未平傾國佳人先化碧
後降尚有魯諸王

宿州

宿州界淮徐古稱百戰場勝廣起蘄澤楚漢鏖睢陽大河亘其北下流易懷襄昔年初到皖入境咨墊傷今來播膏澤老弱擁道旁念此瘠土氓勞苦相扶將生理苦少賴流離輕去鄉拊循詎不亟大賚須周詳春回膏更渥渙號仍濃灑使軒當復至淝汴春波揚

入亳州境柬李牧廷儀

古譙重郡今亳州當塗高起此攸劉春夏讀書冬射獵竊比豐沛狐首邱承平亦賴保障手勤求芻牧馴羊牛我行周爰咨疾苦繡壤爲祝培麥牟虎頭岡屏汴宋界馬尚湖匯肥渦流李侯惻惻好風雅不事鞭撻欽鞠謀

廿年識君自山右邂逅舊雨蒼髯脩從我振瘠遍鳳泗
善解人意憐鵠鳩元結春陵爾能讀漢京循吏誰分憂
輕軒問俗聊信宿靜聽輿誦黔皙謳茲宵暫集義門集
明夕已次南雙溝春風再莅施濟溥膏雨萬戶臚歡稠

亳州謁華真人祠

真人真是醫國醫玩弄瞞老如嬰倪直同文舉成大節
豈獨扁鵲飲上池夢中授我青黏瀝解我龍雷亭毒癖
三甌神水渙汗流九轉河車鬱攸滌我來譙城瞻廟貌
爲我手補蒼生耗災癘不作元氣蘇仁壽還登頤與耄
我心有願虛空知活人無量阿僧祇乞取刀圭一入口

鞭笞鸞鶴從游嬉

潁州府

潁州實要郡西達陳汝疆倉城屯鄧艾旂鼓震順昌清
川亘交注西湖嫵浙杭我行問風俗文武從弛張時平
慎擊櫜鄰戒嚴爭桑安得黃次公治行登淳良

霍邱示蔣令業謙

潁南廿五里渡淮界霍邱西接固始境守捉二道溝大
別在其南決水分東流安豐邵南里行義古莫儔雞狗
相乳哺韓筆揚其休今詎不古若風草亦有由蓼封庭
堅後明允欽前修我持使者節負乘竊所羞長吏不自

厚那責氓澆偷蔣君有賢母苦節天方酬封魚戒妄取
減膳教活囚子其廣母慈勉爲廉惠尤七年期報最一
聽桑麥謳善俗變頑獷春風鷹化鳩民暑亦可畏勗哉
宏遠猷

除夕讀 笥河先兄七古詩鈔本

笥河詩筆老更奇天巧出險非人爲黃山萬古松倒側
玉華千筍神雕削我嚴金鼓程不識何來飛將橫絕域
四圍解馬臥正酣一矢穿虓石已泐後死于今十七年
遺編讀罷心旌翩當時賡唱火攻急闕水隱見珠光聯
今夕何夕歲將改斯文得失斯心在時人輕重那足云

鳴雙鳥三千載

知足齋詩集卷第十二